

7. Et hæc quidem procedunt quando serupulus procedit de re quidem agenda in futurum: quando vero est de re præterita, duplex esse poterit. Unus, an consenserit, necne, et in hoc est regula omnium, ubi non fuerit evidentissimus consensus, non est quod timeatur, agimus enim de his, qui bona fide procedunt, et alioqui habent firmum animum nunquam peccandi mortaliter, neque est quod terreamur propter moram temporis, aut vehementiam cogitationis, nam hæc etiam sæpe sunt naturalia, et involuntaria, et interdum ex timore, postea majora apparent, quam revera fuerint.

Alter serupulus similis est, in ordine ad confessionem, an sufficienter confessus fuerit, necne, de quo latius in materia de confessione, et est res de se facillima, nam si mediocrem diligentiam adhibuit, potest esse securus. Ex quibus etiam obiter declaratum est, quæ remedia servire possent, præsertim ad ipsum usum: nam radix tollenda est vel purgato corpore, vel certe animo, sentiendo de domino in bonitate, qui non injicit vincula, neque ab homine exigit plusquam humanam, et moralem diligentiam. Et hæc satis de hac materia ad gloriam Altissimi.

FINIS TRACTATUS DE BONITATE ET MALITIA HUMANORUM ACTUUM.

ELENCHUS TRACTATUS QUARTI

DE ACTIBUS, QUI VOCANTUR PASSIONES, TUM ETIAM DE HABITIBUS, PRÆSERTIM STUDIOSIS AC VITIOSIS.

DISPUTATIO I.

DE PASSIONIBUS, CONTINENS DUODECIM SECTIONES.

1. Quid passio animæ, et in quo subiecto.
2. De bonitate et malitia passionum.
3. De generali divisione, et differentia actuum appetitus, sive passionum.
4. Utrum amor sit in appetitu sensitivo, et quas causas et effectus habeat.
5. Quid sit cupiditas, seu concupiscentia, et qualis sit divisio amoris in concupiscentiæ et amicitiæ.
6. Quid sit delectatio, et quomodo ab aliis passionibus differat.
7. De odio, fuga et tristitia.
8. Quid sit spes, et quod habeat contrarium.

9. Quid sit audacia, et quomodo ad alias passiones comparetur.
10. Quid sit timor.
11. Quid sit ira, et quodnam contrarium habeat.
12. De sufficientia divisionis passionum, et earum comparatione.

DISPUTATIO II.

DE HABITIBUS IN COMMUNI, REMITTITUR AD DISPUTATIONEM 44 METAPHYSICÆ.

DISPUTATIO III.

DE EO GENERE HABITUUM QUI DICUNTUR VIRTUTES, CONTINENS SECTIONES DEGEM.

1. Utrum aliquis habitus sit essentialiter virtus.
2. Quomodo dividatur virtus in intellectualem et moralem.

ELENCHUS TRACTATUS QUARTI.

3. De divisione virtutis intellectualis.
4. Qualis sit distinctio inter virtutes morales.
5. De aliis divisionibus, seu potius de nominationibus virtutum præcipue Cardinalium et Theologicarum.
6. Utrum de ratione virtutis sit in medio consistere.
7. In quo subjecto sint virtutes.
8. Quam efficientem causam habeant virtutes.
9. An una virtus sine alia generari pos-

sit et esse, et consequenter an sint connexæ.

10. De augmento, diminutione et corruptione virtutum.

DISPUTATIO IV.

DE HABITIBUS PRAVIS, SEU VITIIS, COMPLECTENS SECTIONES DUAS.

1. Quæ sit ratio et essentia habitus vitii.
2. De causis vitiosorum habituum.

TRACTATUS QUARTUS.

DE

ACTIBUS QUI VOCANTUR PASSIONES

TUM ETIAM DE HABITIBUS, PRÆSERTIM STUDIOSIS, AC VITIOSIS.

DISPUTATIO I.

DE PASSIONIBUS.

Quem locum habeant passiones inter actus humanos, et cur de illis agat moralis disciplina. — Consule Bellarminum de scriptoribus Eccles. — Humanorum actuum quidam per se liberi, atque adeo humani, et morales sunt, et omnino interiores, et immateriales, alii sunt prorsus exteriores, qui ab interioribus necessitate quadam efficiuntur: alii sunt quasi medii, ut actiones appetitus sentientis ad quas cogitationes, seu actus phantasie revocamus. De prioribus actibus, quæ ad moralem doctrinam pertinebant, in superioribus tradidimus. De posterioribus nihil præterea, quæ de imperatis actibus universe diximus, quod moraliter sit disputandum, occurrit: superest ergo, ut de actibus mediis, id est, de affectibus animi, seu passionibus, dicamus, etsi enim Philosophi naturalis sit de illis disserere, et multa a medicis de eisdem tradantur, ad moralem nihilominus scientiam spectant. Primo, quia libertatis quodammodo participes sunt, et ideo ad doctrinam de actibus humanis annexuntur. Secundo, quia sunt materia, in qua plures morales virtutes versantur. Tertio, quia horum cognitio plurimum confert ad perfectam actuum voluntatis cognitionem. Disputant autem de hac materia passionum D. Thomas in genere quidem 1, 2, a quæstion. vigesima-seunda usque ad vigesimam-quartam, de singulis vero a quæst. vigesima-quinta usque ad quadragesimam-octavam, latissime: et ante illum Vincentius Belvacensis in speculo morali, si ejus est, atque diversum tale opus: item Albertus Magnus nonnulla docet in Summa de homine, in fine primæ partis: alii theologi pauca dicunt, et in variis locis, quæ infra referemus: ex

philosophis nonnulli, secundo et tertio de anima, praeceps Ludovicus Vives multa congerit: alios in sequentibus adducemus.

SECTIO I.

Quid sit passio animæ, et in quo subiecto detur.

1. *Quid sit passio.* — Passionis nomen, ut D. Thomas 1, 2, quæst. 22, artic. 1, notavit, multiplex est, interdum enim omnis mutatio, tametsi subiectum perficiat, passio dicitur: nonnunquam vero, quæ subiectum corruptit: in praesenti autem materia, ut Damascenus, lib. 2, cap. 22, definit, passio est sensualis motio appetitivæ virtutis ob boni, vel mali imaginationem, quæ ratio nominis ex usu, et consuetudine omnium philosophorum sumpta est, non enim dicuntur hæc passiones, quia in physica alteratione consistant, nam in se veri sunt actus quidam immanentes alicuius appetitus vitalis, unde a Latinis vocatur proprie affectus. Tametsi Cicero, Tusculana 4, vocet perturbationes, et turbidos animi motus, et morbos. Quia vero isti affectus vim quamdam habent, et movendi humores, et efficiendi passionem in corpore, ab affectu passiones dicuntur a Paulo ad Romanos 7, *cum enim essemus in carne, passiones (inquit) peccatorum, quæ per legem erant, operabantur: ut ibi expponit Chrysostomus, et alii, et eodem modo loquitur Augustinus, 9, de Civitate Dei, c. 4, Hieronymus, Matth. 5 et 26, et Joel. 10, et Zachar. 10.*

2. *Prima assertio.* — Primo ergo dicendum est, quod omnis actus appetitus sensitivi est, et dicitur animæ passio, sic D. Thomas, quæstione illa 22, art. 1 et 2, et patet ex dictis. Sed advertenda sunt duo, primum, antiquos non omnes appetitus motus, sed eos tantum, qui contra naturam, seu rationem sunt, passiones appellasse, ut D. Thomas ex Cicerone, Tusculana 4, et Seneca, lib. de Ira, ad Novatum, constat, quo sensu Hieronymus, supra, negat in Christo fuisse passiones, quem loquendi modum probat D. Thomas, 3 part., quæst. 45, art. 4. Sed non est cur passionis nomen semper in malam partem usurpemus, quia omnis appetitus motio, etsi rationi consentanea sit, potest in corpore alterationem excitari, sive dici *passio*, et hoc modo utuntur voce *passionis* Peripatetici, et Damascenus, lib. 3, cap. 2, et Augustinus, 14, de Civitate Dei, cap. 9. Secundo advertendum est quosdam theologos

distinguere in appetitu operationes, et passiones illas dicunt esse actus ab appetitu elicitos, has vero minime, sed affectiones quasdam, quæ in appetitu ipso ab alio efficiuntur, ut delectatio, dolor, etc. Cujus sententia videtur fuisse Scotus, in 1, dist. 1, quæst. 3 et 4, et distinct. 49, quæst. 7, Bassolis in 1, distinct. 1, quæst. 2, art. 1, descriptione 4, Maironius, ibid., quæst. 2, Audifax apud Gregorium, in 1, distinct. 1, quæst. 2, art. 2, in argumentis contra primam conclusionem tribuitur Aristoteli 10, Ethic., capitibus 3, 5 et 6, et Henrico, quodlib. 44, quæst. 8 et 9, quodlib. 42, quæstionē 9, et quodlib. 6, quæst. 32. Sed est falsa sententia, qui in appetitu vitæ nullus est proprie affectus, qui in sola receptione consistat, alias non esset actus vitæ, ut ex supra dictis patet, at hæc passiones, de quibus loquimur, sunt vitales quidam affectus, et ita actus vitæ; ergo effici debent ab ipso appetitu, et non tantum recipi.

3. *Secunda assertio.* — Secundo dicendum est has passiones neque in potentia cognoscente, neque in appetitu rationali reperi. Hæc conclusio magis ex usu et impositione nominis, quam aliunde confirmanda est. Advertendum est ergo ex libro de anima effectum formalem cognitionis receptione quadam perfici, tametsi ad cognitionem plures passiones concurrent, recipitur enim spiritus animalis et ipse actus cognitionis in potentia cognoscente, in appetitu vero solum recipitur actus ipse appetendi: quapropter generali quadam ratione, etiam actus cognoscendi passiones dici possent: tamen quia alterationes illæ et commotiones humorum, de quibus *passionis* nomen sumptum est, proprie, et per se oriuntur ex actibus appetitus, et non ex sola apprehensione, vel imaginatione, ideo *passio* proprie dicta ad affectum pertinet, non ad cognitionem, ut Augustinus supra notavit: et D. Thomas citatus addidit rationem aliam, quia passio (inquit) ut agens quoddam est; ad se, vel ad suum esse pertrahat ipsum, qui patitur, per appetitiones vero trahitur homo ad res, quas appetit non per solam cognitionem, et ideo in potentia appetente, non in cognoscente passiones assignantur. Secundo advertendum est actus quosdam reperi in voluntate, qui similes sunt illis, qui in appetitu sensitivo *passiones* dicuntur, ut ex dicendis constabit, differunt tamen, quia actus voluntatis sunt spirituales omnino, et absque corporali organo perficiuntur: at vero appetitus materiales sunt et corporei: ex quo fit ut hi proprie, et per se excitent motum

DISPUTATIO I. SECTIO II.

et alterationem in corpore: illi vero minime: in particulari dicemus. De bonitate vero et malitia multum disputat divus Thomas 1, 2, quæst. 24 et 39, et fere 59, ubi querit, an passio esse possit cum virtute morali, fuit enim inter antiquos quæstio celebris sub hoc titulo, *An affectus cadant in sapientem.* Stoicis omnino negantibus: Peripateticis vero affirmantibus, si tamen affectus moderati sint, de qua late Cicero 3 et 4, Tusc., et lib. de Finibus, Seneca supra, Aristoteles, 2, Ethicorum, cap. 2 et 6, Augustinus, supra, Ambrosius, 1, de Officiis, cap. 21 et 47, et lib. 2, de Fide ad Gratianum, cap. 3, et lib. de Incarnatione, cap. 7, et lib. 10, in Lucam, circa illud, *Pater, si possibile est,* Gregorius 2, Moral., cap. 16 et 17, consentiuntque theologi.

4. *Cur ex actibus appetitus immanentibus sequantur reales transmutationes sanguinis et humorum.* — Solum posset queri, cum actus appetitus sensitivi sit immanens, cur de illo sequatur transmutatio, cum actus immanens in sua potentia perficiatur, et per hoc non habeat vim ad efficiendum aliquid extra ipsum. Hoc dubium magis ad Philosophum naturalem, quam morale spectat, sed breviter ex his, quæ D. Thomas, 1, 2, quæst. 17, art. 7, ad 2, et quæst. 33, indicat. Respondetur, hoc provenire ex consensione facultatum et potentiarum, quæ ab eadem anima reguntur, et suo modo ad operandum applicantur, inter quas ea facultas, quæ ad motum localem est, ut appetiti serviat, est potissimum instituta, quatuor etiam humores, et spiritus animales, seu vitales diversis appetitus motibus accommodantur, et quasi ex naturali impulsu, vel institutione, hæc omnia anima movet, prout expedit animali. Unde Galenus, 3, de Locis affectis, cap. 8, et lib. de Causis symptomatum, cap. ultimo, ait atram bilem magis accommodari tristitia, quæ est frigidus succus, et nigri coloris, et ideo quasi comprimit cor, sive tristitia afficit, et metu, et similibus: sanguineis accommodatur lætitia propter contrariam rationem; flava autem bilis accommodatur iræ, propter calorem nimium, et sic de aliis, de quibus nonnulla in sequentibus dicemus, agentes de singulis passionibus: videri etiam potest Averroes, 3 collect., c. 4, et Hieronymus Fracastorius, lib. de Sympathia, et lib 2, de intellectione, prope medium.

SECTIO II.

De bonitate et malitia passionum.

1. *Auctores pro utraque parte questionis.* — De causis et effectibus passionum nihil est, quod in genere dicamus, præter ea, quæ in Philosophia tradi solent, et quæ commodius

accidentes virtutem, ut Plato dixit, et veluti milites juventes ducem, seu ut arma virtutum, ut Aristoteles dicere solebat, et refertur a Seneca, supra, cap. 16, propter quod Plutarchus, libro de Virtute morum, dixit non esse sapientis affectus radicitus evellere, quia

neque potest, neque expedit, sed ordinem eis præscribere. Confirmatur, nam affectus sæpe habent bonos effectus, ut de timore pœnæ misericordia patet, ac de tristitia peccati commissi, etc., item delectatio natura sua comittatur virtutem: denique virtus non destruit naturam, sicut sanitas non destruit humores, vel qualitatem, nec musica sonum, sed temperat.

3. Stoici negantes bonitatem in passionibus conciliantur. — Quare, ut ego arbitror, Stoici hoc non negabant, quod ad rem attinet, quia est per se notum, sed hos moderatos motus nolabant nominare nominibus *passionum*, sed *virtutum*, ut plane Cicero, supra indicat, et Augustinus etiam, supra, exponit, ex Aulo Gellio, libro 44, Noctium atticarum, et plane Seneca, epist. 119, idem docet. Qualis vero sit bonitas et malitia istorum affectuum, et cui subiecto hæreant, præcedenti tractatu dictum est, nam eadem de his actibus ratio est, quæ de cæteris, qui a voluntate imperantur. Addendum vero ultimo loco est, affectus immoderatos proprie non cadere in sapientem, ut sapiens est, id est, si ut sapiens operetur, in eum vero qui alias sapiens est, scilicet virtute prædictus, interdum cadere possunt, quia sapientis est interdum deficere. Aliæ quæstiones per occasionem hic tractari solent, ut, an appetitus sensitivus inclinet ad malitiam, quam nos de vitiis disputantes breviter expediemus.

SECTIO III.

De generali divisione et differentia actuum appetitus.

1. Prima divisio passionum. — Prima et vulgarissima passionum divisio est, in passiones irascibilis et concupiscibilis; sunt enim in appetitu duo genera actuum, a quibus duæ illæ denominationes accipiuntur, quas non omnes eodem modo exponunt, D. Thomas enim, et alii ita concupiscibilem et irascibilem distinguunt, ut concupiscibili tribuatur versari circa bonum absolute, irascibili vero versari circa bonum arduum: non quod difficultatem ipsam appetat. Nam, ut D. Thomas 1, 2, q. 25, art. 3, ad 2, notavit esse *arduum*, ut sic non habet rationem boni, sed mali potius: fertur ergo irascibile ad difficile, quia vim præbet ad vincendas difficultates, quæ in consequendo bono occurunt, quoceirca concupiscibilis non est tantum concupiscere, nec irascibilis tantum irasci, habent enim alios actus, ab his

vero uti notioribus nominantur, ut D. Thomas, supra, notavit, in qua doctrina omissa questione physica, de distinctione harum facultatum, quanta et qualis sit, illud solum ad distinguendas passiones difficile est, quod de bono arduo dicitur. Nam vel *ardui* nomine intelligitur bonum aliquod arduum, scilicet excellens, ut excellens: vel bonum supra cætera diligenda, vel bonum absens, vel quod non sine labore comparari potest aut cujus acquisitio habet aliquam rationem mali: at quidquid horum significetur, necessarium omnino videtur concupiscibilem in bonis etiam arduis versari, omnis enim amor et desiderium ad concupiscibilem spectat: amor vero et desiderium versari possunt circa bona magna: ergo. Contra vero videtur irascibile non semper versari in arduis homini, qui irascitur: nam sæpe ira oritur de his, quæ facili negotio superare possumus, et prout reperitur ira in voluntate, tribuitur Deo: quamvis respectu illius nihil arduum sit.

2. Alter ergo possumus rationes nominum irascibilis et concupiscibilis explicare, opinor enim non duos appetitus, sed eundem diverso modo conceptum significari, in objecto enim appetitus duo considerari possunt. Primum ipsum bonum appetibile, et quæ ad illud consequendum per se conferunt: alterum est id, quod impedit talis boni consecutionem, et bono nos privat amato: appetitus ergo quatenus bonum appetit concupiscibilis dicitur, quatenus vero insurgit in eum, qui hujusmodi bonum impedit, ut suum bonum tueatur, irascibilis dicitur: quæ est sententia Avicennæ et Alberti, 2 part., de Homine, quæstione de Irascibili: et ex ratione nominum patet, et confirmatur, est enim irascibilis vis imprimens motum ad repellendum, quod noxiū putatur, unde Damascenus irascibilem vocat vindicem concupiscibilis. Et ad hanc sententiam accommodari potest prior sententia, quia repellere malum, et vindictam sumere difficultius ex suo genere est, quam simpliciter prosequi bonum; ideo irascibilis dicitur versari in arduis, concupiscibilis vero circa bonum absolute, lege Scotum, in tertio, distinct. 14, Gabrielem, dist. 26, ex quibus constat qualis sit dicta divisio: et magis ex his, quæ in singulis divisionibus dicemus, patebit.

3. Secunda divisio. — Secundo generaliter dividuntur passiones, quod aliæ versantur circa bonum prosequendum, aliæ circa malum fugiendum, et utrumque membrum passioni irascibili et concupiscibili commune est, et ac-

DISPUTATIO I. SECTIO IV.

459

tum positivum significat: differt vero appetitus naturæ et vitæ, nam appetitus naturæ eodem motu, quo tendit ad rem naturæ convenientem fugit in commodum, quia talis appetitus non fundatur in cognitione, nec fere distinguitur ab ipsa capacitate naturæ; appetitus autem vitii per proprios et distinctos actus bonum prosequitur, et fugit malum, et hoc sensu dixit D. Thomas 1, 2, quæst. 23, de amore disputat magis in amorem naturalem, quam in sensitivum convenienter: et explicatur, nam in omni appetitu primus affectus est propensio ad appetibile, quæ in appetitu vitæ debet esse per actum vitæ: amor autem significat primum affectum appetitus, atque adeo primum vinculum, et conjunctionem inter appetentem, et appetibile, et hinc amor dicitur unitivus; ex quo aliqui putant amorem dictum esse a verbo Graeco ἀρετή, significante *ligare seu unire*. Hinc et amans magis dicitur esse in amato, quam in se, propter quod Plato, in Cratillo, ait amorem græce dictum a φιλίᾳ, quod latine significat *furari*, quia appetitus amantis rapitur a re amata, quæ omnia proveniunt ex impulsu vitæ et impetu amoris, et hæc magis constabunt ex sectione sequenti.

Utrum amor sit in appetitu sentiente, et quæ causas et effectus habeat.

1. Prima assertio. — *Amor est actus vitæ.* — Dicendum primo quod in appetitu sensitivo est quidam actus, qui vere et proprio *Amor* dicendus est. Conclusio est certa, et omnium experientia patet, et ratione, quia primus actus omnis appetitus est amare suum appetibile, unde D. Dionysius, cap. 4, de divinis Nominibus, naturalem, sensitivum, rationalem, et intellectualem distinguunt pro diversitate appetituum: hunc autem amorem, appetitus sensitivi, esse actum vitæ: sententia est Aristotelis, 2, Ethicorum, cap. 3, et patet, quia hic appetitus est proprie vitalis et elicitus: ergo. Confirmatur: nam vel nullus affectus est actus vitæ, vel maxime hic, qui radix cæterorum est; et in hoc consentiunt omnes Theologi: quapropter mirandum est Scotum, in 1, dist. 1, quæst. 5, hoc sine ratione negasse, quia appetitus, inquit, sensitivus non proprie inhæret appetibili, quia non ipse, se ipsum libere mouet, sed quasi ab alio ducitur ad amandum, ex Damasceno, lib. 2, cap. 24, sed hoc nihil obstat, nam verus amor vitæ non requirit libertatem, ut etiam est evidens in amore beatorum.

2. Secunda assertio. — Dicendum secundo

quod ratio hujus amoris est, ut sit veluti pondus, aut impetus sensibilis et vitalis, quo appetitus sensitivus conjungitur bono sensibili. Est D. Thomæ, supra, et patet ex alibi dictis, de primo voluntatis effectu, quem *amorem* esse diximus, et est hæc ratio amoris unicuique amori communis, et eodem modo fere expli-canda: unde multa quæ D. Thomas, 1, 2, quæst. 23, de amore disputat magis in amorem naturalem, quam in sensitivum convenienter: et explicatur, nam in omni appetitu primus affectus est propensio ad appetibile, quæ in appetitu vitæ debet esse per actum vitæ: amor autem significat primum affectum appetitus, atque adeo primum vinculum, et conjunctionem inter appetentem, et appetibile, et hinc amor dicitur unitivus; ex quo aliqui putant amorem dictum esse a verbo Graeco ἀρετή, significante *ligare seu unire*. Hinc et amans magis dicitur esse in amato, quam in se, propter quod Plato, in Cratillo, ait amorem græce dictum a φιλίᾳ, quod latine significat *furari*, quia appetitus amantis rapitur a re amata, quæ omnia proveniunt ex impulsu vitæ et impetu amoris, et hæc magis constabunt ex sectione sequenti.

3. Tertia assertio. — Dicendum tertio causas per se hujus amoris esse vim ipsius animi et appetitus sensitivi, et bonitatem in objecto representatam, cognitionem vero esse necessariam conditionem, cognitionem, inquam, accommodatam sensitiva facultati, causas vero, quasi remotas, et per accidens esse similitudinem, et alia, quæ in causa sunt, ut objectum bonum conveniens appareat. Est divi Thomæ, et declaratur; nam in hoc actu, sicut in cæteris, non est querenda causa formalis præter essentialiem rationem ejus, neque materialis, aut efficiens per se, et proxima, præter potentiam appetitus, qui natura sua talem vim habet ad efficiendum istum actum, et eundem in se recipit, quia est immanens, et ad causam efficientem reducitur habitus, quando amor etiam ab illo procedit, vel aliquis etiam actus, si unus amor ab alio priori amore oriatur: finalis denique causa nulla est alia præter objectum, et rationem boni, qui appetitus ad amandum excitat: et ita patet prima pars conclusionis, secunda vero de necessitate cognitionis explicanda est, et approbanda ex dictis alibi primo actu voluntatis. Tertia pars posita est ad explicandum D. Thomam ubi supra et commune illud dictum, *similitudo est causa amoris*, sumptum ex Platone, et aliis philosophis antiquis, et ex experientia: amat enim